

Zeitschrift: Le nouveau conteur vaudois et romand
Band: 77 (1950)
Heft: 4

Artikel: On payïesan motzet
Autor: Damond, P.
DOI: <https://doi.org/10.5169/seals-227238>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 07.01.2026

ETH-Bibliothek Zürich, E-Periodica, <https://www.e-periodica.ch>



On payïesan motzet

Daô teimp qu'on eîré dzouvenou on ôuyiâi dza racontâ dé baliverne qu'eïron dé farce que fazayïon riré et qu'amouzavon bin lé dzeint ; c'est dinsé que noutré vieïllou payïesan avayïont on certain oourgoueil dé l'aô z'affairé, de l'aô bête et to cein que conserné lé zûti dè tzamp, d'aô courti de l'étrâblia afaï qué, to cein que consernavi la carrâie. Aô dzeu dé vouein, on vai dein certainé laitéri lé payïesan apré avai collâ l'aô lacé, ranché simpliameint l'aô boille à l'eigue frîda, adon qu'on sâ que n'y a què l'eigue tzauda qu'è capablia d'einlevâ la graisse d'aô lacé dein la boille. D'ein tuè lé cas mé souviennoû bin que quand eïrou boïbou, l'y avai adé on'na cassetta d'eigue tzauda po relavâ la boille ein reveniâi la naï de la laitéri. On iâdzo on dzeu dé faïra (foire) còtié z'agriculteu reveniâyion dé chliâ-ique et coumeint cein arrivé dé iâdzou sé fetzon aô carnotzet po beîré eincouai ou'na gota dé cei thé d'octobre, a la pliaice d'alla arriaz (traire), se bin qu'ez sé treûvon avoué chliâi que veniâyiont à la laitéri et pouté sé boûton à bragâ sù l'aô vatzé, sé boûton à dévezâ sù l'aô lavadzou dè boillé et la façon de lé teni proûpré ; Yïon qu'eîré veni à la laitéri s'é bragavi qu'à qu'in'haôra qu'ez reviené à sa carrâie ez lavavé sa boille à l'eigue tzauda et que l'eîré adé san cou-

zon, avouâi chliâ-ique. Mafaï ion dé chliâi coô qu'eîré z'aô à la faïra avai dein sa catyetta ou'na dernia dozana di fenné ein bescoumo avouâi dé pliommé bluvé, ein boûté trei aô fon de la boille à ce l'homme qu'eîré restaie aï vestibulou d'aô carnotzet et vieïnont dé boû'haôra lou matin à la laitéri po l'ou veyré colâ son lacé, iô ez ne fûron pas supprâi dé veyré chliâ papéta et chliâi pliommé su lou colliâo !... Cein qu'è sûr c'est qu'ez n'avay pas lavâ sa boille à l'eigue tzauda, maï eîré z'aô on biô iâdzou motzet à la laitéri !...

Novembre 1949.

P. Damond.

'Na bounna remauffaie

Mein vé vo contâ onn'istouâre que fâo pâ allâ la redere, du que pourrâi bin m'aminâ onna nièze. Dein lè premirè z'annâie dâo Contoi chuisse dè Lozena, lo présidein l'étâi lo vilhio Failletaz ; ora l'è son fiston. Po sé dèmostelhî dein lè z'affère, l'a todzo itâ dè sorta, mâ fâo dere que l'amâve bin anneçi lè dzein.

On dzo que fasâi onna raveu dè la metzance, noutron présidein s'einfatâ dein lo carnotzet dè la tzerrâire dâi canton po rupâ on bocon et bâire onna botoille avoué on païsan dè Bâvouâ ; que s'appelâve bin sù Agassis.

Tzaravouâ d'Agassis ! l'étâi pâ on bracailon, Ka ni pâ ! Tè barjakâve tan qu'onno pouïnette dè pè Dzenèva. Faillettaz lâi fâ po lo tzeagnî :

— Tè borlai-t-e pâ ! San quan mîmo dâi rudè batoille stausse dè Bâvouâ. Lè pâ po rein que san tî dâi z'« agasse », n'ant pâ la leingua dein l'ao catzetta dè jilet...

— Kaise-tè bedoûma, que lai rebriqua lo païsan ; san pao-t-ître dâi z'« agasse », mâ pâ dâi « felliette » !...

Faillettaz l'a pu payï la botoille. N'a pllie djamé reinmodâ 'na nièze. *Lo redzipet.*

En cette place du Tunnel où se rencontrent les gens de la ville et leurs amis de la campagne vous trouverez au

Café des Négociants

des vins tirés au tonneau, amoureusement soignés ; des mets succulents préparés à la mode de chez nous ; fondues ; grillades ; charcuterie renommée.

L. PÉCLAT, prop.